

Irakurri kontu handiz hurrengo testuak eta gero erantzun testuotako edukiari buruz egiten zaizkizungalderei.

Euskal Autonomia Erkidegoko biztanleriaren bilakaerak 80ko hamarkadara arte hazkunde handia izan zuen. 1981 eta 2003ko azken aldia bitartean 21.425 pertsonako galera izan zen, hau da, biztanleria %1 gutxitu zen. Alabaina, 2001. urtetik aurrera gorako joera eman zen, batez ere migrazio-saldo positiboari esker; 2003. urtean milako 3koa izan zen saldo hori.

Euskal Autonomia Erkidegoko biztanleriaren egiturari dagokionez, adin-tarte handien araberako banaketaren bilakaerak adin txikienetan biztanle kopurua nabarmen eta etengabe galdu dela erakutsi du, baita adinekoenen kopurua gehitu egin dela ere. 1981 eta 2003 urteen artean 0-19 urteko biztanleen kopurua %34tik %17ra jaitsi zen; halaber, urte horietan 65 urteko eta gehiagoko biztanle kopurua bikoiztu egin zen, %9tik %18,2ra. Azken kopuru hori Ebko altuenetakoa izan zen (Italia %18,2, Alemania %17,5, Suedia %17,2 eta Belgika %17).



Testuan 80ko hamarkada aipatzen denean zein urtetaz ari da? Zer gertatu zen aldi horretan biztanleekin?

.....
.....
.....

Kalkula ezazu, testuan ematen zaizkizun datuen laguntzaz, aldi horretan Euskal Autonomia Erkidegoan gutxi gorabehera zenbat biztanle zegoen.

.....
.....
.....

Kalkula ezazu, testuan ematen zaizkizun datuen laguntzaz, 2003. urtean zenbat etorkin zegoen (gutxi gorabehera).


.....
.....
.....

Euskal Autonomia Erkidegoan 2 milioi pertsona inguru bizi dela kontuan hartuta, kalkula ezazu gutxi gorabehera gazteen kopurua zenbat gutxitu den. Kalkula ezazu, era berean, zenbat gehitu den aldi horretan 65 urtetik gorako biztanleen kopurua.

.....
.....
.....

EB-25eko herritarren **bizi-itxaropena** 74,8 urtekoa da gizonezkoen kasuan eta 81,1 urtekoa emakumezkoen kasuan. Euskal Autonomia Erkidegoan Europako herrialdeetako bizi-itxaropenik altuena daukagu: gizonek 76,4 urte eta emakumeek 83,7 urte. Datu horien arabera emakumeak gizonezkoak baino 7 urte gehiago bizi dira Euskal AEn; baina Estonian, Letonian eta Lituanian ia 12 urte gehiago bizi dira.

Laurogeiko hamarkadaren hasieran Euskal Autonomia Erkidegoko **migrazio-tasa** garbiak, hau da, inmigrazioaren eta emigrazioaren arteko aldeak zeinua aldatu zuen. Azken hogeita hamar urteetan Euskal AEn tasa hori nabarmen jaitsi da, eta etorkinak hartzen zituen erkidegoa bazen ere emigratzen zuten biztanleak edukitzera igaro zen. Alabaina, 2000. urtean migrazioak zeinu positiboa berreskuratu zuen.



Zer esan nahi du testuan ageri den bizi-itxaropenak? Datu horrek badu zerikusirik batez besteko aritmetikoarekin?

.....
.....
.....

Datu horien arabera, Euskal Autonomia Erkidegoko biztanleen egoera orokorra Europako batez bestekoa baino hobea dela uste duzu?

.....
Zein da EBko emakume eta gizonen arteko bizi-itxaropenaren ezberdintasuna?

.....
Datu horien arabera, zein da EBko biztanleen batez besteko bizi-itxaropena? Suposizio bi egingo ditugu. Lehenengo suposizioan, demagun gizon eta emakume kopuru bera dagoela. Eta bigarren suposizioan, demagun emakumeak biztanle guztien %52 direla eta gizonak %48. Orduan, bi kasuotan biztanle guztien bizi-itxaropena berdina da? Azal itzazu kalkulu baten eta bestearen arteko ezberdintasunak.

.....
.....
.....
.....

Migrazio-tasa positiboa bada, biztanle kopurua nahitaez gehituko da? Zergatik?

.....
.....

Migrazio-tasa negatiboa bada, erkidegora migratzen duen pertsona kopurua gehitu edo gutxitu egingo da?

.....
Migrazio-tasa positiboa bada, erkidegotik kanpora migratzen duen pertsona kopurua gehitu edo gutxitu egingo da?

.....